

بيك بر قوسه كنجازى

صاحب وناشرى : نزهت ثاب

فئالى مەدەنىيەت

TDVISAM
Üphanesi Arşivi
ZE 1194

BELEDİYE
KİTAPLARI

No 0/820



۲

دېمىشدم . بو سؤالى ، فقط بر آزده
شكلى دكيشد يزدهك سزدهده صورمه
مجبورم : « مبعوث افديلر ، مملكت
نزهه كيديور وكيملر كوتورييور »
وجوانى تكرار بن ويرييورم « مملكت
عبدالجيد اداره سنه طوغرى كيديور
وسز كوتورييورسيكنز »

ايسته بنى اك زياده اوردهن ، اولديرهن
سزك بومساحه كز سزك بواهاال تفكر كز ،
اكر مملكتده بر انقلاب بر ضربه حكومت
اوله يدي ده مملكتك خرىتى التدن
آلنسيدي ومملكتك روح عاطلنده بو
ضربه حكومه ، بوانقلابه قارشى بر غليان
كورلمسيدي . [اوت بو مملكت خريته
لايق دكاش] دير ايدم و خريته لايق
اوله بيلمسي اچون نه يولده چالشمق ايجاب
ايدرسه تكرار اويولده چالشييردم . . .
فقط مسأله بويله اوليور . ملتك خارجى
دشمنك تهديد عاجلى واوروپا موازنه سنك
احتمال اختلالى قارشوسنده طبعيله ساكن
ومتحمل بولندينى بر زماندن استفاده
ايه قانون اساسيمزك اك روحلى مادهلرى
متصل تعديل ويا الغا ايديليور و موازنه

دوه قوشناى مبعوثلره خطابى

مبعوث افديلر ،

عرب شاعرى بندن بحث ايدر كن :
« والنعامه تجريضا وبيض اخرى تحضن »
دېمىشدر . فى الحقيقه بن كندى يمورطه ليرمى
براقره رقى بشقه لرينك كنه او طور يرم ، يعنى
ديكرينه وكالت ايدرم . ايسته ديكرلرينه
وكالتك نه قدر مشكل ، ومسؤليتلى بر
بر وظيفه اولديغنى بالتجربه بيلديكم
اچوندر كه « بيك بر قوش » مجلسى
طرفدن سزه خطاب ايتكه بن موظف
اولدم . .

فقط هر شيدن اولر جا ايدرم سوزلر يمه
كوجنيكنز ، سوزلرم آجى ده اولسه
انصاف ايله محاكمه ايدىكنز واونو تمايكنز كه
دوه قوشى ده بو مملكتك نعمتيله ياشايان ،
سعادتي يالكنز بو مملكتده تأمين ايدى بيان
بر وطنداشكنز در . واونك يكانه املى بو
مملكتى يوكسك ومسعود كورمگدر .

كچن كون قارغه اسانيه كنچ ناظرلره
خطاب ايدر كن « كنجلر مملكت نزهه
كيديور و نزهه كيتديكنى بيلورميسكنز ! »

قوی نظریه سی آتنده اک بیوک بر موازنه سزک وجوده کتیریلور .

بن بوراده بو موازنه سزکی علم و مطالعه دائره سنده اثبات ایتمه قالمشه حق دکل بونی بشقه علمی بر کتبخانه ده اوزون اوزادی به ایضاح ایدرک مملکتک نظر انتقادینه عرض ایده حکم . یالکز موازنه قوا نامه قوه اجرائیه نکه الده ایتک ایتدیکی قوتک ماهیتی کوستره جک اوفاجق بر دلیل ایله قناعت ایده حکم ..

صدر اعظم حاکمیت ملیه دن بحث ایدرکن عیناً [آکلادیغمه کوره بر حاکمیت سوزی بمضارنجه بشقه درلو تفسیر اولتور . حاکمیت ملیه ، سلطنت ملیه دیمکدر . بر جمیعتک کافه افرادی بالقوه حق سلطنتی حائزدر ، فقط آیری آیری اجرای سلطنت ایتک محال اولدیغندن بر ذات عالیده تشخیص ایدرکه اوده حکم دارد ، حاکمیت ملیه بودر ، یوقسه حاکمیت ملیه ظن اولنان معناره شامل اولماز]

بوجه نکه ابهام قصدینده قاینانشان روح معنایی آکلامق بیلیم او قدر گوجیدر . مشروطیتدن ، حاکمیت ملیه دن بحث ایدیلن بر مملکتده حاکمیت ملیه نکه بویولده تعریف ایدیلشنه صوصان «حریت پرور مضبوطه محرر لرینه ، حریت پرور مبعوثلره ، حریت ایچون مجاهده ایدن کنجلره» نصل اولیورده صوصیورسکز دیمک ایجاب ایتزمی ؟

صوکره ینه صدر اعظم عیناً [هیئت

حکومه داخل اولانلر افرادملته داخل اولدقلرندن اک اول ملتک حقنی محافظه ایدرلر] دیوروسزدن . ملتک مبعوثلری ، آقشلرده قازانیور .

صورارم سزه عجبا عبدالحمیدک هیئت وکلاسی افرادملتن دکلیدی . نیچون افراد ملتی دوشونموردی فقط صدر اعظمک سوزلرندن سزه اک زیاده لازم اولانی بونلرده دکلدر . . صدر اعظم دیکر بر یرده [قوه اجرائیه نکه قوتی فضله

اولورسه مستبد اولور] دیور . عجبا بوجه یوقاریده کی معنایی نقض ایتیمورمی ، قوه اجرائیه فضله قوته مالک اولمقله افرادملت میاننده صایله قدن چیقیور . می که ، مستبد اولیور . هر نه حال ایسه بونلر اجتهادات ذاتی به و مطالبه نکه درجه سته کوره متبدل نظریه لرده . که

بنم نظرمدده اهمیتی پک آذر . چونکه بومملکتک مشروطیته کسب لیاقت ایتمش اولدیغنه و بونی هر آن مدافعه ایده بیله جکنه تمامیه قانع اولانلردنم ... بنم «مملکت عبدالحمید اداره سنه طوغری کیدیور» دیمه مک سبی نه ۳۵ نجی ماده در ... نده صدر اعظمک و مضبوطه محررینک حقوق سیاسی معملرینی دکل طلبه سنی بیله کولدیزه جک غیر علمی مدافعه لرینک آقشلره مظهر اولمسیدر ... چونکه بن بیلیم که قانون اساسی بی تبدیل ایتمکله مجلس مبعوثانده قازانیلان قوتلر ملتک سینه سنه سرایت ایده مز ...

فرانسه اختلالنده بر قاچ سنه نظر قنده

قانون اساسی یدی دفعه تعدیل ایدلشدی .
 و هر برنده قانون اساسینك تعدیلی ایچون
 بیک درلو مشکلات قولشدی . فقط
 مشکلاته رغماً صربه حکومتلر یکدیگری
 ولی ایتدی ینه ملت حقوقی غائب ایتدی .
 نهایت شونی ده سویله یم که قوه اجرا
 بیه ایله قوه قانونیه آره سنده کی موازنه
 قانون اساسی صحیفه لرنده دکل ، حکمدار
 ایله ملت آره سنده تعین ایدر .

بنم « عبدالحمید اداره سنه کیدیورز »
 دیمکلکمک سبی کرک حکومتک شعبات
 مختلفه سنده و کرک ملتک سینه سنده حادث
 اولان وقوعات ایله حربت کلام ، حربت
 مطبوعات ، حربت اجتماعه اورولمق ایستیلن
 ضربه لر در .. بن مملکتده هنوز کندی
 لهرینه تأسیس استبداد ایتک ایستین
 اشخاص قلیله نك وجودینه قائل دکل ،
 چونکه هرکس کی اونلرده بیلیر که اک
 نهایت بر حکمدار مشروع اولان عبدالحمیدک
 بیه استبدادینی چکمه ین بر ملت طبیعتیه
 تور و دیلر استبدادینی چکمز و بویه بر
 استبداد وجوده کت مک ملتک دکل ،
 استبدادی اداره ایدنلرک علینه چقار که
 بونی صدر اعظمده اعتراف ایتشدر .

بونک ایچون بن « عبدالحمید دورینه
 کیدیورز » دیرکن مخاطبلر مک انتباهندن
 بشقه برشی قصد ایتیورم .. بنجه اشکال
 حکومتک اهمیتی یوقدر .. بن ، بشقه بر
 یرده ده دیمش اولدیم کی ، حکومتیه غایه
 اوله رق تأسیس عدالتی بولورم . هر یرده ده

هرکس بوندن بشقه برغایه تصور ایتمز .
 حکومت پارلمانه اولمش و یا مقید اولمش
 بنجه اهمیتی یوقدر . بنجه حکومت یا عادلدر
 یا دکلدر و عادل اولمیان هر هانکی بر
 حکومت ایستر مشروطی اولسون ، ایستر
 پارلمانه ره حالده بر عبدالحمید حکومتی در .
 بونک ایچون محترم مبعوثلر ، مملکت
 عبدالحمید اداره سنه کیدیور دیمکده
 تمامیه حقم واردر . چونکه هرکس
 برابر طبیعی سزده بیلیر سکنز که درت
 سنه دن بری حکومتک اجرا آتنده هیچ
 بر تبدل کورلمدی . الا آن مأمور اولمق
 ایچون یکانه واسطه ، حمایه ، التماس ،
 انتساب ، ترقی ایتک ایچون ینه حمایه ،
 التماس ، انتساب الا آن ینه دوا ئرده عدم
 انتظام ، مراجعه لرده عینی شکایت .
 الا آن ینه تقاعد صندوقلارنده عینی
 قادین فریادلری غزته لرده عینی شکایتلر .
 والح .

بوکا مقابل حربت مطبوعات ، حربت
 کلام ، حربت اجتماعده تقيید ایدیور .
 او حالده بوکی سزء استعمالاتک اوکی
 کیم آله حق .. و بوکی سوء استعمالاتک
 اوکی آلمینجه حکومت حاضر دنک عبدالحمید
 حکومتدن نه فرقی قاله حق . ایچکز دن
 بعضلری « ملت زواللی » دکلدر دیه قیامتی
 قویاریور . بعضلری مخالفتی بو غمق ایستیور
 فرض ایدم که هرکز بردن « ملت زواللی »
 دکلدر دیدیکز و برده قرار و یردیکز .
 عجباً ملت زواللی اولمق دن قورتیه جقمی ،

بوكون بىم بىلدىكم دوائر حكومتده،
اجراآت حكومته عائد برچوق يولسىز.
لقار وار. بونلردن هيچ برى نه غزته يه
يازمق قابل اوليوز، نه سويلك وبوصو.
رتاه حقوق ملت ضايع اولوب كيديوز.
حقوق ملت ضايع اولوب كيتدكدن صكره
بىم نظرمدده محاس مبعنوان انعقاد ايتىش
ويا ايتىمىش نه اهميتى اولور. بىم نظرمدده
بويله اولدقدن صكره، كويلي ويا اهالى
نظرندده نه اهميتى اولور. سزايستديكىز
قدر قانونلر ياپك، تطبيق ايدلدكدن
صكره اوقونلرك نه فائدهسى اولور.

قانونلرك حسن تطبيقى تأمين ايدىدك
قوت شهبه سز حرىتدر. هر وقت سو-
يلورم، حرىت مطبوعات، ناموسىگار
وحىتى بر حكومتك اك بيوك ظهيريدر،
اك بيوك معينيدر. خصوصيله بزم مملكتده
بو نظريه بسبتون طوغريدر. چونكه
بزده وظيفه شناس مأمورلر پك آزدر.
خالق تطيب ايتكى بيلن، خلقك روح
اجتماعياتنه واقف اولانلر پك آزدر. بو
نك ايچون مأمورلر اداى خالق، اهالى ني
حكومتدن تنفير ايدر، ايسته بونلرى مراقبه
ايدىدك، بونلرى دائما وظيفه لرني ايفايه
دعوت ايدىدك وبو خصوصده حكومته
ياردىم ايدىدك يكانه واسطه حرىت كلام
حرىت مطبوعات وحرىت اجتماعدر.
بونلرى قصر ايتك نه ملتك، نه حكومتك
منفعتنه موافقددر. رجا ايدر، مبعوث
افنديلر، بو مملكتده اك اعتدال پرور

آناطولى مبعوثلرينك هر كسدن ايني
بيلملى ايجاب ايدر كه بوكون اناطولىده
اكك يرينه كوك يين، اوت يين آدملىر
وار. حيوانلرله برابر آخورلرده ياتان،
ياتان يرينه صمان اوستنده اويويان، يورغان
يرينه آياغنى اوجاغك صيجاق ديوارينه
طايانان كويلىر وار. نه وقت بو آدملىرى
دوشونورسه كز، اونلرك ترفيه حياتى
وسعادتى ايچون كيجه، كوندوز چالشير.
سه كز اووقت بلكه مات زواللى اولمقدن
قورتولور. يوقسه بردفچه دكل « بىك
دفعه زوالليدر. »

صكره بن « تأسيس عدالت ايچون
حرىت لازمدر » ديدىكم زمان الان
بوملكت حرىته لايق دگلدرد. ديه اصرار
ايدنلر وار. بيلم سزك ايچكزده بو
فكرده اولانلرده وارميدر. و بوني
سويلر كن حرىتدن نه قصد ايدىيورلر.
بن حرىتدن شونى قصد ايدىيورم،
[قناقلرى سويليه بيلمك، حكومتى انتقاد
ايدى بيلمك] وبوني كتابله غزته ايله،
لسان ايله، اجتماع ايله يابه بيلمك. وامين
اوله لم كه بونلر اولمقدن صوكره ملكلرى
قوة اجرائيه به كترسه كز مستبد اولور.
انسانلر طبعاً عطالته، سفاهته ميالدر.
دنيا نك هانكى نقطه سنده حكومت انتقاد
ايديله بيلمىش ايسه اوراده وظيفه شناس
اولمىدرد. هانكى يرندى انتقاد ايديله ممش
ايسه اوراده وظيفه سنى اونوته رق خلقك
باشنه بلاي كسامىدرد.

بر برینه قاریش دیریور و اداره سزلیک
نتائج مضر دسنى هپ حریت عطف
ایدیورز . هیچ دوشونمورز که دور
سابقده بر چوق وقوعات مؤسسه
اولوردی . حالوکه اووقت انواع حریتک
هیچ بری ده یوقدی .

صکره فرض ایدلم که قوه اجرائیه
حریتی تقید ایتک ایستور ، و [بو
مملکت بشقه درلو اداره ایدلمز] دیور .
سز بوندن کندی نفسکزه نه دن بر
حصه تحقیر ویا تزییف چیقارمیور .
سیکز . . قوه اجرائیه نک بونظریه سی
[سز حریت لایق دگلکسک] دیمک
دکلمدر . و یارین مجلس مبعوثان طاغله .
قدن صکره حریت لایق اولیان افراد
آرسنده یاشامایه جقمیسکز . . . تکرار
ایدیورم [حریت ویرلمز آلیر] ملت
حریتی آلدی وحریتی ویرمک ایسته مهین
پادشاهک نفوذ حکمرانیسی ده برکوشک
درد دیواری داخانه حصر ایتدی .
اگر حکومت ماتى حریت لایق کورمیورسه
بونی سزدن ایسته مسیک کندی آلسون .
فقط آله حق کیم ؟ ماتى حریت لایق
کورمهین کیم ؟ پادشاه می ، خیر . . .
استیصال حریت ایچون اردوایله برلکده
چالیشان کنجلر . . . اوت بوکنجلر ،
عزت نفسلرینی حیثیت مستقبه لرینی
اونوتیورلر وقان دوکه رک آلدقلى شیئه
شمدی ماتى لایق کورمیورلر . ربم
بر آز انصاف ، بوملت (سن حریت
لایق دگلکسک) تحقیرینی حریتی استیصاله

غزته دیه طائمش اولان صباحک حریت
حقنده کی مقاله لرینی نظر عبرتله اوقویک .
اوقدر معتدل و محترم بر غزته نک محترم
و معتدل محرری بیله عادتاً برانقلابجی
لسانی قوللا تمیدی ؟ امین اولک که مشرو-
طیتک روحی حریتدر . حریتی آلیرسه کز
ویا آلمسنه قائل اولورسه کز الکزده
عبدالحمید دورندن قلمه متفسخ برلاشه دن
بشقه برشی قلماز . و بویله قوقلایانک بور-
تنی دوشوره جک بر مشروطیتله نه اورو-
پاده کندهیمزه ظهیر بولورز . نه ده
مملکت سزده کی مختلف عنصرلری تطمین
ایده بیلیرز . ایچکزدن بریسی « آطنه قتانی
حریت اجتماع وجوده کتیردی دیور »
و یوفکر آلقشلمله قبول ایدیلور . پک
اعلی عبدالحمید دورنده کی ارمنی وقوعاتى
هانکی حریت وجوده کتیردی . تاریخمزک
بر چوق صحیفه لرینی قارالایان جنایتلر ،
پادشاه اولدیرمه لر ، پادشاه خلع ایتمه لر ،
وزیر قفاسی ایسته مه لر هانکی حریت
ایله وجوده گلدی ، حریت مطبوعات
دیرسه کز ذاتاً نه مطبوعات واردی ، نه ده
اوقویوب یازان . بونلرک هپسنى حکومتک
ظلمی ، عدالت سزلیکی وجوده کتیریر ،
حکومت محلیه نک تدبیر سزلیکی ، اداره
سزلیکی توسیع ایدر .

نته کیم اسکی ارمنی وقوعاتنده محلی حکو-
متک تدابیری سایه سند نه آطنه ، نه چوقر-
زمان ناحیه سی ارمنی قتالی کورمشدر .
وبوکى لرلر بونلره ده منحصر دکلمدر .
نر طوغرایسی حکومت سزلیکله ، حریتی

سودکترینه بتون تاریخلر شهادت ایتیمورمی
خیر، افندیلر، امین اولک کوردیکمز
مشکلات حکومتک شکل ویا طرزندن
متولد دگلدر! مملکت مشروطیته لایق
دگلدر دیمک پک کوانجدر، چونکه
مشروطیت الکابی تأمین عدالت ایدر برطرز
حکومت دیه طانمشدر؛

هیچ بر ملت مشروطیتی استحصال
ایتدیکی کون مشروطیته (سزک تصد
ایتدیکنز معناده) لایق دگلدی.
فقط زمان ایله لایق بر حاله گلدی. ایسته
رومانیا، ایسته صربستان، ایسته
بلغارستان، ایسته یونانستان هپی
مشروطیت اداره ایله ترقی ایدیور.

بزم چکدیکمز چله، معاندهک،
مکابرهک، نتیجه سیدر... و بوگون
امین اولک محترم مبعوثلر، اگر حکومت
بتون حریتلری تقید ایتک ایستیورسه
(آفونکشلر حکومتی) وجوده کتیرمک
ونارکیله ایچهرک اجرای حکومت ایتک
ایچوندیر. اینامازسه کز هر هانکی بر
نظارتی طولاشیک هر شیئی درین بر
اویقو ایچنده، مفتور وعاطل اویویور
بولورسیکنز...

طولاشیق ایسته مزسه کز، یورولوق
ایسته مزسه کز، حتی حکومته منسوب
اولان غزتهلری اوقوییکنز باقک نه الیم
شکایتلر، فریادلر، طویارسکنز...

عجبا بوفریادلره بر نهایت ویرمک ها.
نکیمزک منفعتی ایجابندن دگلدر.
شبهه سز حتی مرتجعیلریله، خائنلریله برابر

چالیشانلرک آغزندن می ایشیده جکدی
بونو بر سعید پاشا، بر کامل پاشا،
بر هر هانکی پاشا سویله بیلیردی. چونکه
ذاتاً اونلرک غنغه اداره لرنده بو نظریه
مندمجدر. و بو اونلر ایچون عیب دگلدر.
نته کیم بر قاچ گون اول سعید پاشاینه
بوفکرینی سویلشدر. فقط بونی کنجلر
سویله مز. ملت بو تحقیری کنجلرک
آغزندن ایشیده مز. و هیچ اولمازسه
مبعوثلرینی بوفکرینی قبول ایتش کورمک
ایسته مز. نه قدر غریبدر، بز داخلی،
خارجی بتون دشمنلرمزی اونوتدق.
اونلری کورمز اولدق؛ اونلری افلا
ایچون برشی یامیق ایسته مدک، سعادتیزک
یکانه دشمنی اوله رق حریتی مشروطیتی
گوردک.

هیچ مبالغه ایتیمورم. هیچ اعظام
ایتیمورم، بوگون رأس کارده بولانلر،
بوملتک مشروطیته لایق اولمادیغنه تمامیه
قاعدرلر، فقط حاشا، بز اداره سزلیکک
بحر کسزلیکک آدینی مشروطیت قو-
یمشز! پک اعلا بوملکت مشروطیته لایق
دگلدر دیلم، ذاتاً مشروطیتی آله لی ده درت
سنه اولدی لایق اولدینی استبداد اداره ده
نه دن ترقی ایتدی، چونکه دیه جکسیکنز
(عبدالحمید فنا بر پادشاه ایدی، مملکتک
سعادتینی ایسته میوردی ده اونک ایچون)
پک اعلی سلطان عز بز دورینه هله سلطان
مجید دورینه نه دیه بیلیرسکنز، سلطان
محموده نه دیه بیلیرسکنز، بو صوک ایکی
پادشاهک مملکتی کندی حیاتلری قدر

دها امورشناس اختیارلرمزده تمامیه
تحلیل ایدمه مشدر ، نهدن ، چونکه
حریت یوقدر ، حریت کلام ، حریت
مطبوعات یوقدر ؛

سعید پاشا ، یعنی صدر اعظم سعید
پاشا ، بحریه اعانه ملیه سی حقنوده کی
فکری سولدیکی زمان بوگون کندی
مدح ایدن غزتله اونی حقیر کورمه
قالقشمشله و آداب معاشرت خارجنده
سوزله سویشلردی ؛ بوگونکی وقایع
سعید پاشانک حقلی اولدیغی میدانه
حیقاردی ، نهدن موضوع بحث اوله میور
چونکه حریت یوق ! فصل آکلاتیم
یاربی ، محترم مبعوثلر ، حریتک لزومی
یوقدر دینلر ، اگر سزله ایه کز رجا
ایدرم ، بونی موضوع بحث ایدیکز ؛
بتون غزتله ، جمعیتلر بو مسأله ایه
اوغراشیکیک و اونک نتیجه سنه گوره لزوم
کوریلورسه حریت تقید ایدلسون... فقط
امین اولک که بومماکتی یالکزر حر بر حکومت
قور تاره بیایر چونکه حریتک اولدیغی
یرده حکومت بیلدیکی کبی دکل مجبور
اولدیغی کبی اجرای حکومت ایدر ،

سعید پاشانک سویلدکلرینه باقییک
حکومتلر اولیه [افراد ملتدن اولدیغی
ایچون افرادماتی] دوشونمک ایسته مزله .
دنیا قوت دنیا سیدر . آدم اوغلی دنیا سیدر .
دنیا نیک هر طرفنده حکومت آدم لری
ملتک صرتندن بر خوشجه کچیمکه پک
چابوق آلیشیر . . . بز عقمزی باشمزه

همزک منفعتی بونی ایجاب ایدر .

او حالده ایچون چالیشمیور حتی
چالشمق دین ماعدا چالیشمی ایچون ایجاب
ایدن وسائطی که دائما حریت در . تقید
ویا افشا ایتک ایستیورز چونکه روح
عاطلمز انتقاددن قورقار و تمللکی الدن
براق ایسته مهز . . اوروپالی بر محرر
ترکیادن بحث ایدر کن (اک صوک درجه یه
گنجه اک صوک درجه ده فدا کاراق
کوستیر بر ملتدر) دیور . کرچه
تاریخده اثبات ایدیور که بویله در . فقط
آرتق اک صوک درجه یه کلدکی کائناتک
بتون غزتله لریله برابر ، ملتک بتون منور
افراد (آرتق نه اوله جق ایسه اولسون
دیور) حالامی صوک درجه یه کلدک .
اوت کلدک چونکه حریت یوق که مات
هانکی درجه یه گلدیکی آکلا یه یلسون ،
حتی محترم مبعوثلر سزک بر چوغکز
بیله هانکی درجه یه گلدیکمزدن بی خبر .
آرا کزده کی واقف اولانلرده (ذاتا بو
مماکت اضمحلاله محکومدر) دیور . .
اون بونی سویلیور حتی بر ایکی گون
اول آقیشلادیغکز اختیار صدر اعظم ده
بوفکرده در ، اوده (بومماکت اضمحلاله
محکومدر) دیور . پک اعلی مادام که
ویله در .

فقط آکلا یه لم عجب اونی اضمحلاله محکوم
ایدن هانکی قوتدر ، هانکی سیدر ؛ یوقسه
بوده حریت کلام ، حریت مطبوعات ،
حریت اجتماعی ؛
خیر اونی اضمحلاله سوق ایدن اسبابی

آله‌لده المزده اقتدار وارکن باشمزه بلالار
آچه حق یوللره کتسه یه لم. اکر بو حکومت
حریت ایله اداره حکومته کندینی مقتدر
کور میورسه چکلسون اقدم. . البته بشقه
بر حکومت یرینه کایر. . حقیقه غریب
ذاتاً سعید پاشانک طبیعت تاریخچه سی ده
بودر. مطلقاً دیدیکنی یاپدیره حق. .
مادام که سعید پاشا بومملکت حریت لایق
دکلر دیمشدر. مطلقاً حریت تقید
ایدیلیدر. او حالده رجا ایدرم. . مبعوث
افدیلر، نه دن کندیلرینه صورمدیکنر
[پک اعلی پاشا حاضر تلی فقط کچن دوره
اجتماعیه ده مشروطیتسز حکومتلر یایدار
اوله ماز دیمشدیکنر. . مشروطیت اداره
حریتی ایجاب ایتدیر می؟ و مشروطیتک
استبداددن فرقی ده بو دکلیدر. .]
دیمدیکنر.

فقط بونی صور مق حتی یالکنز بونی
دکل، سلطنت ملیه دن نه قصد ایتدکلرینی
ایضاح ایتلرینی ایسته مک سنک وظیفه کنر
ایدی. .

خلاصه، مبعوث افدیلر، در حال ال
قالدیره رق مقدرات ماتی بر لمحہ بصرده
حل ایدمک زمانده یاشامیورز. . هر
الکنزی قالدیردجه کیم بیلیر نه قدر آغیر
بر مسؤلیت منویه آلتنده قالمق احتمالی
دوشونمه کنر ایجاب ایدن بروقتده یز.
مملکتده نه قدر فئالق اولیورسه بونلردن

یالکنز قوه اجرائیه دکل، سزده تمامیه
مسئولسکنز چونکه سنک بروظیفه کنده
شعبات حکومتده کی یواسنزلقلری مراقبه
ایدنک حقوق ماتی مدافعه ایتمکدر.
یواسنزلقلره کانجه اونلر اوقدر چوقدر که
سنک نصل اولوبده کونده مدیکنزه هر
کس تعجب ایدیور. دیکنر بر یرده ده
سویلشدم. تکرار ایدیورم مبعوثلق
دنیا نک الک وباللهی، الک مشکل بر وظیفه.
سیدر. هله بویه زمانلرده ویا بستیون
چوغالیر. دوشونک که اوروپاده اکر بزی
تقسیم ایتک سوزلری سویلنیورسه بوکا
سبب اوله رقدده الک زیاده بزم بر حکومت
عادلده و مشروطه تشکیل ایدمه یه جکمه
قناعت حاصل ایدلمش اولدینی کوستیریور.
حالبو که سنک الک کنده مملکتده حقیقی
وعادل بر حکومت مشروطه تشکیل ایده.
بیلیمک اقتداری واردر. و بواقترار شیمدی
سنکله اعیانک اوت سنکله اعیانک
ومنحصراً بوا یکی قوتک النده در مملکتک
اوروپا نظر نده یوکسه بیلیم عادل
و مشروط بر حکومت تشکیل ایده بیلیمسه
قائمدر که بوفکری ذاتاً هر کون هر غز تده
اوقویورسکنز وقوه اجرائیه بی تشکیل
ایدن کنجلارده اوقویور. آرتق اوقو-
دیغکنزی آکلایه حق یا خوددها طوغریسی
آکلاشیلان شیهه عامل اوله حق وقت
کلیمدی؟ یعنی ماتک چکدیکنی یتیمدی؟

هامش : اوچنچی عدد آق بابانک اعیان ایله حسب حال.